



Republika e Kosovës
Republika Kosova-Republic of Kosovo
Qeveria -Vlada-Government

Ministria e Tregtisë dhe Industrisë-Ministarstvo Trgovine i Industrije-Ministry of Trade and Industry

Agjencia për Investime dhe Përkrahjen e Ndërmarrjeve në Kosovë (KIESA)
Agencija za Investicije i Podršku Preduzeća na Kosovu (KIESA)
Kosovo Investment and Enterprise Support Agency (KIESA)

Me qëllim të zvogëlimit të deficitit tregtar dhe përmirësimit të kapaciteteve prodhuese të ndërmarrjeve mikro, të vogla dhe të mesme (NMVM), rritjen e investimeve, të eksportit, konkurrueshmërisë dhe hapjen e vendeve të reja të punës, Ministria e Tregtisë dhe Industrisë (MTI) përmes Agjencisë për Investime dhe Përkrahjen e Ndërmarrjeve në Kosovë (KIESA) shpall:

Thirrje publike për subvencionim me mjete financiare për NMVM

Bazuar në Udhëzimin Administrativ (MTI) nr. 01/2018 për ndarjen e mjeteve financiare nga kategoria ekonomike e subvencioneve dhe transfereve, dhe me qëllim të ngritjes së kapaciteteve prodhuese, shpallim thirrje të hapur për përkrahjen e ndërmarrjeve mikro, të vogla dhe të mesme për blerjen e makinerisë prodhues.

MTI-KIESA do të mbështes në subvencionim me mjete financiare ndërmarrjet sipas kategorive të tyre, si në vijim:

- Për ndërmarrjet mikro (të punësuar 1 deri 9 punëtor) vlera totale e garantëve do të jetë 400.000,00 EUR. Vlera maksimale që mund të përfitoj një ndërmarrje mikro është deri në 75% e vlerës së makinerisë ose në vlerë financiare deri në 50.000,00 EUR;
- Për ndërmarrjet e vogla (të punësuar 10 deri 49 punëtor) vlera totale e garantëve do të jetë 450.000,00 EUR. Vlera maksimale që mund të përfitoj një ndërmarrje e vogël është deri në 50% e vlerës së makinerisë ose në vlerë financiare deri në 60.000,00 EUR;
- Për ndërmarrjet e mesme (të punësuar 50 deri 249 punëtor) vlera totale e garantëve do të jetë 150.000,00 EUR. Vlera maksimale që mund të përfitoj një ndërmarrje e mesme është deri në 50% e vlerës së makinerisë ose në vlerë financiare deri në 75.000,00 EUR.

Ndërmarrjet me rastin e aplikimit duhet të dëshmojnë numrin e të punësuarve me kontratë pune valide për vitin 2017.

Vlerësimi i aplikacioneve për ndarjen e mjeteve nga kategoria ekonomike subvencione dhe transfereve do të bëhet sipas UA MTI 01/2018.

Aplikuesi i cili aplikon për subvencione dhe transfere në Ministri, duhet të jetë i regjistruar në Republikën e Kosovës.

Ju lutem vini re se vetëm aplikimet e dërguara deri me datë 15/05/2018 me se largu deri në ora 16:00 dhe të kompletuara tërësisht mund të konsiderohen për vlerësim.

1. Për të aplikuar duhet plotësuar:

1.1. Aplikacionin e plotësuar më të dhënat bazike të subjektit aplikues; dhe

1.2. Dokumentet e kërkuara.

2. Me rastin e aplikimit, subjektet duhet të paraqesin:

2.1. Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës;

2.2. Certifikatën e numrit fiskale (nuk aplikohet për bizneset të cilat numrin e regjistrimit të biznesit dhe numrin fiskal e kanë në një certifikatë);

2.3. Vërtetim tatimor me të cilën vërtetohet se aplikuesi nuk ka borxhe aktuale tatimore të pashlyera apo obligime tjera tatimore, ose është në marrëveshje për shlyerjen e borxhit me ATK;

2.4. Kopjen e letërnjoftimit të personit/ve në emër të cilit/ve është i regjistruar aplikuesi;

2.5. Dëshmi nga aplikuesi se nuk është nën falimentim ose nën administrim të dhunshëm gjyqësor të lëshuar nga Gjykata Themelore – kërkohet origjinali jo më i vjetër se 30 ditë;

2.6. Dëshminë e xhirollogarisë aktive të aplikuesit në njërën prej bankave të licencuara nga Banka Qendrore e Kosovës;

2.7. Gjendjen e xhirollogarisë bankare të aplikuesit për vitin e fundit. Për aplikuesin e sapo themeluar kjo nuk është e aplikueshme;

2.8. Projekt-propozimin që përfshin: qëllimin, aktivitetet e projektit, koston financiare si dhe planin kohor të realizimit të projektit dhe strukturën organizative të aplikuesit;

2.9. Të mos ketë pranuar mjete nga burimet tjera të financimit për të njëjtat aktivitet, (e dëshmuar më deklaratën nën betim);

2.10. Të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit nga MTI për dy vitet e fundit, (e dëshmuar me deklaratën nën betim);

2.11. Ndërmarrja duhet të dorëzojë ofertën apo pro faturën për blerjen e makinerisë prodhuese.

Ju lutem vini re se në mungesë të cilitdo dokument të kërkuar në listën e mësipërme aplikacioni i subjektit aplikues do të diskualifikohet dhe nuk do të shqyrtohet tutje për kriteret e veçanta të listuara më poshtë.

3. Kriteret e vlerësimit:

4.1 Të ardhurat bruto vjetore, marrin maksimum 30 pikë:

- ndërmarrjet mikro marrin nga një (1) pikë për çdo 5.000,00 EUR të ardhura bruto vjetore,
- ndërmarrjet e vogla marrin nga një (1) pikë për çdo 100.000,00 EUR të ardhura bruto,
- ndërmarrjet e mesme marrin nga një (1) pikë për çdo 200.000,00 EUR të ardhura bruto.

Të ardhurat bruto të dëshmohen me formularin e Deklarimit Vjetor të Tatimit për vitin 2017, dëshmi nga Administrata Tatimore e Kosovës.

4.2 Vlera e bashkëfinancimit të vlerës së projektit investiv nga ana e ndërmarrjes (blerjes se makinerisë prodhuese), marrin maksimum 25 pikë:

- ndërmarrjet mikro marrin nga një (1) pikë për çdo 1.000,00 EUR të deklaramit të investimit të vlerës së projektit,
- ndërmarrjet e vogla marrin nga një (1) pikë për çdo 2.000,00 EUR të deklaramit të investimit të vlerës së projektit,
- ndërmarrjet e mesme marrin nga një (1) pikë për çdo 3.000,00 EUR të deklaramit të investimit të vlerës së projektit.

Vlera e bashkëfinancimit të vlerës së projektit investiv duhet të dëshmohe me dëshmi bankare (gjendja bankare) apo me garancion bankar të lëshuar nga ndonjëra bankë komerciale e licencuar në Kosovë apo me dëshmi tjetër faktike valide mbi bashkëfinancimin.

4.3 Planifikimi i punësimit, maksimum 30 pikë,

- ndërmarrjet mikro marrin nga tri (3) pikë për çdo një (1) që do të punësojnë;
- ndërmarrjet e vogla marrin nga dy (2) pikë për çdo një (1) që do të punësojnë;
- ndërmarrjet e mesme marrin nga një (1) pikë për çdo një (1) që do të punësojnë;

Numri që planifikohet të punësohet duhet të dëshmohe me deklaratë me shkrim (nënshkruar dhe vulosur), e cila më pastaj për ndërmarrjet përfituese do të jetë pjesë e marrëveshjes.

4.4 Punësimi (aktual) i gjinisë femërore, maksimum 15 pikë:

- ndërmarrjet mikro marrin nga një (1) pikë për çdo një (1) të punësuar,
- ndërmarrjet e vogla marrin nga një (1) pikë për çdo dy (2) të punësuar,
- ndërmarrjet e mesme marrin nga një (1) pikë për çdo tre (3) të punësuar,

Të punësuarit e gjinisë femërore duhet të dëshmohe me kontratë pune valide për komplet vitin 2017 dhe me pasqyrën e kontributeve të Fondit të Kursimeve Pensionale të Kosovës (TRUST) për vitin 2017 ose me dëshmi nga Administrata Tatimore e Kosovës për vitin 2017.

Vëmendje:

- ✓ Në rast që ndërmarrja do të jetë përfitues, atëherë do të nënshkruhet marrëveshje dypalëshe (MTI/KIESA dhe ndërmarrja), pjesë e secilës do të jenë edhe deklaramet që janë bërë me rastin e aplikimit.
- ✓ Makinaria prodhuese e cila kërkohet të subvencionohet duhet të jetë e re.
- ✓ Ndërmarrjet mund të përfitojnë vetëm një grant.
- ✓ Vlerësimi i aplikacioneve zhvillohet ndërmjet kategorive përkatëse si mikro me mikro, te vogla me të vogla dhe te mesmet me të mesme.
- ✓ Ndërmarrjet që nuk i kalojnë 50 pikë do të diskualifikohen.

Periudha e aplikimit:

Njoftimi për thirrje publike është i publikuar në ueb faqen e Ministrisë së Tregtisë dhe Industrisë mti.rks-gov.net dhe të KIESA-s kiesa.rks-gov.net

Subjektet që dëshirojnë të aplikojnë duhet të shprehin interesimin e tyre duke plotësuar dokumentacionin e kërkuar dhe ta dërgojnë atë më së largu deri më 15/05/2018 me se largu deri në ora 16:00 në formë fizike dhe në CD në Zyrën e arkivit të Ministrisë së Tregtisë dhe Industrisë, Rruga Muharrem Fejza, Lagjja e Spitalit, p.n. Prishtinë, 10000, Republika e Kosovës.

Në momentin e aplikimit subjekti pranon të gjitha përgjegjësitë, obligimet, kriteret dhe detyrat e parapara me legjislacionin në fuqi dhe kriteret e parapara në këtë thirrje publike. Aplikacioni për aplikim mund të merret në KIESA-MTI apo të shkarkohen nga faqet e internetit mti.rks-gov.net dhe kiesa.rks-gov.net apo në e-mail adresën sme.kiesa@rks-gov.net.